

ցէ՛ք, քէրէմ՝ արէ՛ք, ասելով զձեռն ի գոռն Սուրբ Նիկողոսի զարնէ և երգուի չարաչար. երթամ ասեմ՝ ել գնա՛յ, ել գնա՛յ. և այնքան ժողովուրդք առաջի նորա և զկնի կանգնեալ զամէնն ասեն, հազիւ հաւատան. եւ ինք պրծանի ի ձեռաց նոցա այսու: Եւ անդ ի Պալատ մեր եկեղեցոյ չարքն երթան առ Մուղնեցին և ասեն. Ո՞ւր գնաս, ո՞վ կարող է հանել զքեզ ի տեղէս, մեք կանգնած եմք: Նոյնպէս եւ Յակոբն բազում հայհոյանս տայ Եղիազարի և Մարտիրոսի և ասէ. Ես զգլուխս իմ, զտուն եւ զորդիս եւ զստացուածս ի քո ճանապարհն եդեալ եմ, ամուր կա՛ց:

Բշի (11 Փետր.). ի խանն մուշավէրէ կ'առնեն, ապա իյանճին եւ Տաւութն եւ առաքեն մարդ թէ ել եւ գնա՛յ՝ Մուղնեցուն:

Գշի (12 Փետր.). Խորհուրդ արար Եղիազար վարդապետն մերայնօքս, գրեցին թուղթ մի թէ Մեք քաղաքացիքս յամէն եկեղեցեաց ուրոյն ուրոյն հնազանդ եմք թագաւորին խէթիշէրիֆին, որ ի մեր քաղաքս սեազուիս պատրիզ կամ առաջնորդ անունով չկոխէ եւ չպահենք. եւ զայս թուղթն մօհրեցաք. Ով չմօհրէ, տամք ի ձեռս բռնաւորաց որ հախէն գան: Եւ նոքա զայս լրեւալ՝ ուղարկեցին զՄուղնեցին յԱւսկիւտարն ասելով. Գնա՛յ եւ ժամանակ մի շրջեաց, մինչեւ տեսցուք թէ զի՛նչ լիցի: Դէպ լուսոյ Գշի աւուրս երոցք եղև ի վերուստ կողմանէ Ղատրղայ ի լիմանին՝ մօտ առ Փէյիկիսանան եւ մարեցին:

Դշի աւուրս (13 Փետր.) Վարդապետն ի Ղազիէսքէրքն մտանէր և ի սուլթան քէհեասին և յայլ դրունս մեծամեծացն շրջէր: Երեկոյիս Տեառնընդառաջ: Յաւուրքս Դ զալպազան կախեցին զօլօթի կտրող, եւ մինն տէվրիշ էր և կարգացող, որ ի Սուլթան Պայազիտն կախեցին ի ծառին իւր հանդերձին: Յաւուրքս Հոռոմքն գնային եւ գային միջնորդօք թէ Հաշտիմք.